



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O REVIZIJI
FINANSIJSKOG POSLOVANJA U 2009. GODINI
HRVATSKOG KRŠĆANSKOG DOMOVINSKOG PREPORODA

Broj: 03-07-6- 313/10
Sarajevo, 18. februar 2011. godine

SADRŽAJ:

MIŠLJENJE REVIZORA	3
1. UVOD	3
2. PREDSTAVLJANJE POLITIČKE STRANKE	4
3. OPIS REVIZIJE	4
Predmet revizije	5
Cilj revizije	5
Obim revizije	5
4. PRETHODNE REVIZIJE	5
5. NALAZI	5

MIŠLJENJE REVIZORA

Služba za reviziju finansiranja političkih stranaka je izvršila reviziju finansijskog poslovanja Hrvatskog kršćanskog domovinskog preporoda u 2009. godini.

Rukovodstvo stranke je odgovorno za vođenje poslovnih knjiga, finansijsko izvještavanje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Služba za reviziju se oslanjala na informacije i dokumentaciju iz ekstrenih izvora, obzirom da Hrvatski kršćanski domovinski preporod revizorima nije predočio finansijsku dokumentaciju relevantnu za finansijsko poslovanje u 2009. godini.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom smo utvrdili da je Hrvatski kršćanski domovinski preporod u izvještajnom periodu prekršio odredbe člana 11. stav (1) i stav (3) Zakona o finansiranju političkih stranaka. Politička stranka nije vodila poslovne knjige i Centralnoj izbornoj komisiji BiH, nije podnijela godišnji finansijski izvještaj u zakonom propisanom roku.

Prema našem mišljenju, osim navedenog, Hrvatski kršćanski domovinski preporod u 2009. godini nije kršio ostale odredbe Zakona o finansiranju političkih stranaka.

1. UVOD

Služba za reviziju finansiranja političkih stranaka je izvršila reviziju finansijskog poslovanja Hrvatskog kršćanskog domovinskog preporoda u 2009. godini.

Revizija je preduzeta u skladu sa članom 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), članom 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Hrvatski kršćanski domovinski preporod u toku revizije nije predočio finansijski izvještaj niti drugu dokumentaciju na osnovu koje bi se moglo utvrditi da je ova politička stranka ostvarila prihod, što je iskazano u narednoj tabeli¹:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ukupni prihodi:	0,00	

Također, politička stranka nije predočila ni dokumentaciju koja bi ukazivala na to da je Hrvatski kršćanski domovinski preporod u toku 2009. godine ostvario bilo kakve rashode².

2. PREDSTAVLJANJE POLITIČKE STRANKE

Naziv političke stranke: Hrvatski kršćanski domovinski preporod. Skraćeni naziv: HKDP.

Politička stranka je registrovana pod nazivom Hrvatski domovinski preporod 24.09.1997. godine u Kantonalnom sudu u Širokom Brijegu, broj upisa R 13/97. Naziv je promijenila 10.07.1998. godine u Hrvatski kršćanski domovinski preporod.

Sjedište političke stranke je u Ljubuškom, Ulica Zrinskofrankopanska bb.

¹ Stranka je Centralnoj izbornoj komisiji BiH godišnji finansijski izvještaj dostavila 16.02.2011. godine, nakon što je izdat i stranci dostavljen preliminarni izvještaj o reviziji finansijskog poslovanja u 2009. godini. U izvještaju HKDP navodi da je stranka ostvarila samo prihod od kamata u iznosu od 1,59 KM.

² U finansijskom izvještaju koji je stranka dostavila nakon što je izvršena revizija i izdat preliminarni revizijski izvještaj iskazani su rashodi u iznosu od 560,26 KM.

Lice ovlašteno za zastupanje Hrvatskog kršćanskog domovinskog preporoda je Ante Paponja, predsjednik stranke.

Lice ovlašteno za podnošenje finansijskih izvještaja je Dane Herceg.

Prema izjavi ovlaštene osobe, Hrvatski kršćanski domovinski preporod nije imao organizacione dijelove nižeg nivoa (entitetske, kantonalne, opštinske).

3. OPIS REVIZIJE

Predmet revizije: Služba za reviziju se oslanjala na informacije i dokumentaciju iz ekstrenih izvora, obzirom da Hrvatski kršćanski domovinski preporod revizorima nije predočio finansijsku dokumentaciju relevantnu za finansijsko poslovanje u 2009. godini.

Cilj revizije je da revizoru omogući da izrazi mišljenje o tome da li je Hrvatski kršćanski domovinski preporod u izvještajnom periodu postupao u skladu sa odredbama Zakona o finansiranju političkih stranaka.

Obim revizije obuhvata kontrolu finansijske dokumentacije i provođenje analitičkih procedura nad podacima, radi utvrđivanja usklađenosti revizijskih dokaza o poslovanju Hrvatskog kršćanskog domovinskog preporoda sa odredbama Zakona o finansiranju političkih stranaka.

4. PRETHODNE REVIZIJE

U prethodnom periodu izvršena je revizija godišnjih finansijskih izvještaja Hrvatskog kršćanskog domovinskog preporoda za 2004., 2005. i 2006. godinu, nakon kojih su izdati izvještaji o reviziji sa mišljenjem revizora, nalazima i preporukom revizije da treba postupati u skladu sa odredbama člana 8. stav (1), člana 11. stav (3) i člana 20. Zakona o finansiranju političkih stranaka, te člana 11. stav (2). Zakona o finansiranju političkih stranaka i člana 15.1. stav 1. Izbornog zakona BiH. Služba za reviziju je izvršila pregled godišnjih finansijskih izvještaja za 2007. i 2008. godinu godinu i izdala izvještaj o pregledu sa mišljenjem revizora, nalazima i preporukom revizije da stranka treba postupati u skladu sa članom 8. stav (1) i člana 11. stav (3) i (4) Zakona o finansiranju političkih stranaka.

5. NALAZI

Hrvatski kršćanski domovinski preporod je prekršio odredbe člana 11. stav (1) i stav (3) Zakona o finansiranju političkih stranaka³.

Stranka u 2009. godini nije vodila poslovne knjige i nije ispunila obavezu prema Centralnoj izbornoj komisiji BiH, odnosno nije podnijela godišnji finansijski izvještaj u roku koji je propisan Zakonom o finansiranju političkih stranaka.

³ U skladu sa odredbama člana 11. stav (1) Zakona o finansiranju političkih stranaka, stranka je obavezna voditi evidencije o svojim prihodima i rashodima i da Centralnoj izbornoj komisiji BiH podnese finansijski izvještaj za svaku kalendarsku godinu.

U skladu sa odredbama člana 11. stav (3) istog zakona, stranka je obavezna podnositi finansijski izvještaj u formi koju odobri Centralna izborna komisija BiH. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06)

- U postupku revizije utvrđeno je da Hrvatski kršćanski domovinski preporod u 2009. godini nije vodio poslovne knjige, nema uspostavljene evidencije o svojim prihodima i rashodima, kao ni evidencije o sredstvima i obavezama stranke.
- Finansijski izvještaj koji su sve političke stranke u skladu sa odredbama člana 11. stav (1) Zakona o finansiranju političkih stranaka obavezne dostaviti Centralnoj izbornoj komisiji BiH za svaku kalendarsku godinu i to do 31.03. naredne godine, Hrvatski kršćanski domovinski preporod nije podnio.

Iz razloga što nije vodio poslovne knjige, Hrvatski kršćanski domovinski preporod je prekršio odredbe člana 11. stav (1) Zakona o finansiranju političkih stranaka, a obzirom da Centralnoj izbornoj komisiji BiH nije podnio godišnji finansijski izvještaj u zakonom propisanom roku i na način kako je to uređeno Pravilnikom o godišnjim finansijskim izvještajima političkih stranaka, prekršio je i odredbe člana 11. stav (3) Zakona o finansiranju političkih stranaka.

U toku revizije, revizorima je od strane lica ovlaštenog za zastupanje stranke predočena potvrda UniCredit banke d.d. Mostar u kojoj navodi da je Hrvatski kršćanski domovinski preporod imao otvoren samo jedan transakcijski račun broj 3381602200524726, bez navođenja prometa po istom. Također, banka u potvrdi navodi da je transakcijski račun zatvoren 31.08.2010. godine. Novčana sredstva koja su na dan zatvaranja transakcijskog računa iznosila 7.485,21 KM, stranka je iznos od 6.813,21 KM, koji je preostao nakon izmirenja obaveza proisteklih iz postupka oko brisanja političke stranke iz sudskog registra, uplatila u dobrotvorne svrhe.

Uvidom u finansijsku dokumentaciju Hrvatskog kršćanskog domovinskog preporoda iz ranijeg perioda, utvrđeno je da je stranka navedena novčana sredstva ostvarila u 2007. godini, a obzirom da nije obavljala nikakve aktivnosti, ista su zadržana na transakcijskom računu u 2009. i 2010. godini, sve do njegovog zatvaranja.

Na bazi informacija iz ekstrenih izvora, Služba za reviziju nije utvrdila da je Hrvatski kršćanski domovinski preporod u 2009. godini ostvario prihod, niti da je obavljao bilo kakve aktivnosti.

Služba za reviziju je sugerisala ovlaštenoj osobi da stranka dobrovoljno postupi u skladu sa članom 13. stav (3) Zakona o finansiranju političkih stranaka⁴, te da uspostavi knjigovodstvene evidencije i sačini godišnji finansijski izvještaj za 2009. godinu.

Hrvatski kršćanski domovinski preporod je naknadno, odnosno nakon što je Služba za reviziju izdala preliminarni izvještaj o reviziji finansijskog poslovanja ove političke stranke u 2009. godini i isti dostavila stranci, djelimično postupio u skladu sa odredbama člana 13. stav (3) Zakona o finansiranju političkih stranaka i popunio godišnji finansijski izvještaj za 2009. godinu. Godišnji finansijski izvještaj za 2009. godinu, koji je stranka u skladu sa odredbama člana 11. stav (3) Zakona o finansiranju političkih stranaka bila obavezna dostaviti Centralnoj izbornoj komisiji BiH do 31.03.2010. godine, isti je dostavila 16.02.2011. godine.

⁴ U skladu sa odredbama člana 13. stav (3) Zakona o finansiranju političkih stranaka, Centralna izborna komisija BiH će prije izricanja kazne ili poduzimanja administrativne mjere nastojati da postigne da politička stranka za koju je ustanovljeno da je prekršila odredbe ovog zakona, dobrovoljno otkloni uočene nedostatke, ako su oni otklonjivi.

Napomena:

Skupština Hrvatskog kršćanskog domovinskog preporoda je 23.08.2010. godine donijela odluku o prestanku rada ove političke stranke⁵, nakon čega je 30.08.2010. godine Općinskom sudu u Širokom brijegu podnijela zahtjev za njeno brisanje iz sudskog registra.

Do momenta podnošenja izvještaja o reviziji finansijskog poslovanja Hrvatskog kršćanskog domovinskog preporoda u 2009. godini, Centralna izborna komisija BiH nije obaviještena od strane Općinskog suda u Širokom Brijegu da je stranka brisana iz sudskog registra.

Komentar

Hrvatski kršćanski domovinski preporod nije dao primjedbe na nalaze revizije i mišljenje revizora dato u preliminarnom izvještaju o reviziji finansijskog poslovanja u 2009. godini.

Mr. Hasida Gušić, Šef Službe za reviziju, revizor

Anela Burdžović Kapić, pomoćnik revizora

⁵ Odluka broj 02-08/10 od 23.08.2010. godine